



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-415-15/23**
Datum: **20.05.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „CENTROTRANS“ d.d. Sarajevo za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije autobaze Bačići, izgrađene u općini Novi Grad, Sarajevo, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06), i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu „CENTROTRANS“ d.d. Sarajevo daje se vodna dozvola za ispuštanje tehnoloških otpadnih voda i oborinskih onečišćenih voda sa lokacije autobaze Bačići, izgrađene na zemljištu označenom kao k.č. broj 3875/1, 4004/1, 3996 i 4004/3 K.O. Novo Sarajevo IV.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa urađenom projektnom dokumentacijom koja je služila kao podloga za davanje ove vodne dozvole i da se u skladu sa istom izvedu predviđeni radovi u roku važenja ovog Rješenja.
 - 3.2. Da se skladištenje nafte i naftnih derivata vrši u podzemnim čeličnim dvoplašnim spremnicima ukupne zapremine $V = 100 \text{ m}^3$ ($2 \times 50 \text{ m}^3$) sa pripadajućom armaturom za rukovanje, praćenje i sigurnost rada.
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Da korisnik poslovnog objekta za sve vrijeme trajanja ove vodne dozvole obezbijedi da se tehnološke otpadne vode sa lokacije autopraonice i servisne radionice nesmetano sakupljaju putem slivnika sa slivnom rešetkom i odvedu do objekata predviđenih za tretman tehnoloških otpadnih voda – separator ulja i naftnih derivata, a zatim ovako tretirane preko okna za monitoring odvedu do ispusta u rijeku Miljacku.
 - 3.5. Da korisnik poslovnog objekta za sve vrijeme trajanja ove vodne dozvole obezbijedi da se oborinske onečišćene vode sa lokacije interne benzinske pumpe, kao i oborinske onečišćene vode sa parkinga i prostora za demontažu starih autobusa, prikupljaju putem slivnika sa slivnom rešetkom i odvedu do uređaja za tretman – tipski separator ulja i naftnih derivata, a zatim ovako tretirane preko okna za monitoring odvedu do ispusta izvedenog u rijeku Miljacku.
 - 3.6. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.

- 3.7. Da se vrši redovno održavanje glave ispusta i da se ista čisti zajedno sa dijelom obale i korita rijeke Miljacke kao i pristupa mjestu na kome se nalazi ispust.
 - 3.8. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.
 - 3.10. Da prikupljanje, odvoz i konačno zbrinjavanje opasnog otpada sa predmetne lokacije može vršiti isključivo firma ovlaštena za tu vrstu djelatnosti, prema sklopljenom ugovoru.
 - 3.11. Osigurati priručna sredstva za brzu intervenciju u slučaju nekontrolisanog istjecanja nafte, prosipanja motornog ulja i sl., kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
 - 3.12. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda tačka 13. i 22. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „CENTROTRANS“ d.d. Sarajevo obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije autobaze Bačići, izgrađene na zemljištu označenom kao k.č. broj 3875/1, 4004/1, 3996 i 4004/3 K.O. Novo Sarajevo IV.

U provedenom postupku dostavljena je i pregledana sljedeća dokumentacija:

- Ovjereni kopija aktuelnog izvoda iz sudskog registra Općinskog suda u Sarajevu broj: 065-0-RegZ-23-007629 od 18.07.2023. godine;
- Ovjereni kopija uvjerenja o registraciji poreznog obveznika izdatog od strane Porezne uprave FBiH – Kantonalni porezni ured Sarajevo, dana 14.07.2021. godine;
- Punomoć za Klico Elvira;
- Kopija Rješenja o odobrenju za upotrebu, donesenog od strane Gradskog sekretarijata za stambeno-komunalne poslove, Grad Sarajevo, broj: 07-950-8 od 22.07.1983. godine;
- Kopija Rješenja o vodnoj dozvoli donesenog od strane Agencije za vodno područje rijeke Save broj: UP-1/21-3-40-288-7/23 dana 23.09.2022. godine;
- Kopija Ugovora o izvođenju radova na odvozu i zbrinjavanju ulja, emulzionih ulja i zauljenog otpada sa predmetne lokacije sklopljenog sa „DELTA PETROL“ d.o.o. Kakanj dana 04.08.2020. godine;
- Izvještaj o monitoringu kvaliteta i kvantiteta otpadnih voda autopraonice i servisne radionice „CENTROTRANS-EUROLINES“ d.d. Sarajevo, urađen od strane „Inspekt – RGH“ d.o.o. Sarajevo, april 2023. godine;
- Projekat izvedenog i predviđenog stanja „CENTROTRANS EUROLINES“ autobaza Bačići, općina Novi Grad – Sarajevo, urađen od strane „ES HYDROTECHNICS“ d.o.o. Sarajevo, februar 2019. godine;
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-415-2/23 dana 16.10.2023. godine.

Na osnovu izvršenog uviđaja na licu mjesta je utvrđeno da podnosilac zahtjeva nije ispunio uslove iz vodne dozvole broj: UP-1/21-3-40-288-7/22 od 23.09.2022. godine, odnosno nije izvršena ugradnja separatora ulja i naftnih derivata za tretman oborinskih onečišćenih voda sa lokacije parking prostora za autobuse i prostora za demontažu starih autobusa. Donesen je Zaključak o prekidu postupka dok se ne riješi prethodno pitanje, odnosno ugradi separator za tretman oborinskih voda sa lokacije parking prostora za autobuse i prostora za demontažu starih autobusa.

Dana 05.05.2025. godine dopisom broj: 1/2228/25 je Agencija obavještena da je riješeno prethodno pitanje – izvršena ugradnja predmetnog separatora.

U skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-415-14/23 dana 15.05.2025. godine i utvrđeno da su izvedeni radovi na ugradnji tipskog separatora za tretman oborinskih onečišćenih voda sa lokacije parking prostora za autobuse i prostora za demontažu starih autobusa.

Na lokaciji autobaze „CENTROTRANS“ d.d. Sarajevo u Bačićima smješteni su sljedeći objekti: upravna zgrada, servisna radionica za brze intervencije, tehnički pregled vozila, autopraonica za vlastite potrebe, interna benzinska pumpa, parking za autobuse sa odvojenim nenatkrivenim prostorom za demontažu starih autobusa, manipulativne, saobraćajne i parking površine.

Na predmetnom lokalitetu nastaju tehnološke otpadne vode od pranja autobusa i sa lokacije servisne radionice, koje se prikupljaju putem slivnih rešetki i odvođe na tretman u separator ulja i naftnih derivata, nakon čega se preko okna za monitoring odvođe do ispusta izvedenog u rijeku Miljacku.

Oborinske onečišćene vode sa lokacije interne benzinske pumpe se prikupljaju putem slivnika sa slivnom rešetkom, odvođe preko separatora ulja i naftnih derivata do ispusta izvedenog u rijeku Miljacku.

Oborinske onečišćene vode sa parking prostora za autobuse i prostora za demontažu starih autobusa se prikupljaju putem slivnika sa slivnom rešetkom, odvođe do tipskog separatora ulja i masti i preko okna za monitoring do ispusta izvedenog u rijeku Miljacku.

Na osnovu pregleda projektne dokumentacije, utvrđenog činjeničnog stanja na osnovu uviđaja izvršenog na predmetnom lokalitetu, a u svrhu smanjenja negativnih uticaja predmetnih objekata i aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekata, u skladu sa Zakonom o vodama i Pravilnikom o sadržaju, obliku, uvjetima, načinu izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva, „CENTROTRANS“ d.d. Sarajevo, ispunio minimum uslova za izdavanje vodne dozvole, te je riješeno kao u dispozitivu ovog rješenja.


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl. inž. građ.



PRILOG: Projekat izvedenog i predviđenog stanja „CENTROTRANS EUROLINES“ autobaza Bačići, općina Novi Grad – Sarajevo, urađen od strane „ES HYDROTECHNICS“ d.o.o. Sarajevo, februar 2019. godine

Dostaviti:

- „CENTROTRANS“ d.d. Sarajevo, KURTA SCHORKA 14, 71000 Sarajevo (sa prilogom)
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava Sarajevo